



UNIVERSITÄTS-  
BIBLIOTHEK  
PADERBORN

**R.P. Leonardi Lessii E Societate Iesv Theologi. In D.  
Thomam De Beatitudine. De Actibus HUMANIS. De  
Incarnatione Verbi. De Sacramentis Et Censuris.  
Prælectiones Theologicae Posthumæ**

**Lessius, Leonardus**

**Lovanii, 1645**

Qvæstio XVI. 17. 18. 19.20. De Potestate Clauium.

---

[urn:nbn:de:hbz:466:1-72898](https://nbn-resolving.org/urn:nbn:de:hbz:466:1-72898)

72  
Si immissa  
ex communi  
provi-  
dentia.

Dico Secundò : Flagella quae secundum com-  
munem cursum rerum obueniunt, non videntur  
satisfactoria, nisi quatenus ad id acceptantur.  
Probatur: quia ista non directè insiguntur in  
hunc finem, sed prauiso peccato originali secun-  
dum naturalem rerum cursum permittuntur; vn-  
de quasi naturaliter obueniunt. Quatenus tamen  
acceptantur, tanquam à diuinâ Providentiâ ob  
nostram salutem permissa, sunt satisfactoria; eo-  
que magis, quò maior est afflictio.

## ARTICVLVS III.

*An conuenienter enumerentur  
opera satisfactoria?*

73  
Tria gene-  
ra operum  
satisfacto-  
riorum.

Docet hoc Articulo esse tria genera operum  
satisfactoriorum. Primum est *Ieiunium*, ad  
quod reducuntur omnes aliae asperitates, vt cili-  
cium, humicubatio, voluntaria corporis verber-  
atio &c. Secundum est *Eleemosyna*, quae continet

omnia opera misericordiae corporalia & spiritua-  
lia. Tertium est *Oratio*, quae continet omnem  
adorationem & cultum Dei, meditationem, con-  
templationem, actum fidei, spei, charitatis &c.  
Ratio est, quia haec omnia sunt quodam modo  
pœnalia. Ieiunium enim per se affligit. Eleemo-  
syna etiam quodam modo pœnalis est: nam sub-  
trahit pecunias & bona temporalia, & plerum-  
que cum labore coniuncta est: & quamuis non  
semper sit molesta, neque positivè pœna, est tamen  
pœna priuatiuè, subtrahens homini aliquid.  
Oratio etiam pœnalis est, tum quia nõ sine labore  
perficitur, tum etiam quia spiritum hominis de-  
primit, & Deo subijcit.

Petes: Quodnam ex istis operibus est magis  
satisfactorium. Respondeo: ceteris paribus, id est,  
si ex aequali deuotione procedant, magis satisfac-  
toria est afflictio corporis; dein oratio; tertio  
eleemosyna. Quodam tamen modo eleemosyna  
est maximè satisfactoria, quia excitat alios ad  
orationem pro nobis. Vnde præcipuè in Scriptu-  
ris commendatur.

Quod nam  
ex his ma-  
gis satisfac-  
torium?

## Q V Æ S T I O X V I.

*De Suscipientibus hoc Sacramentum.*

Querit hîc D. Thomas Primò: Vtrùm pœ-  
nitentia possit esse in innocentibus. Secun-  
dò: Vtrùm sit in Sanctis qui sunt in gloria. Ter-

tiò: Vtrùm sit in Angelis bonis seu malis. Sed  
hæc explicata sunt supra quaest. 85. art. 4. dub. 2.

## Q V Æ S T I O 17. 18. 19. 20.

His quatuor Quaestionibus tractat Diuus  
Thomas de potestate Clauium. Et qui-  
dem in quaestione 17. agit de entitate &  
quidditate Clauium. In quaest. 18. de  
effectu eorum. In quaest. 19. de Ministris Clauium.  
In quaest. 20. de his in quibus potest exerceri vsus  
Clauium. Sed hæc non habent peculiarem diffi-  
cultatem, quæ hæctenus explicata non sit.

Clauus  
Metapho-  
ricè signi-  
ficant po-  
testatem  
Regendi.

Notandum solùm: *Clauus* in Scripturis Meta-  
phoricè accipi, pro potestate spiritali in subditos,  
nam clauus sunt signum potestatis regendi. Vnde  
Magistratui dantur clauus vrbs: Oeconomo,  
clauus domus. Sic Isaia 22. vers. 22. *Dabo clauem  
domus Dauid super humerum eius*, id est, summam  
potestatem spiritali in Tribu Iuda; & in Apo-  
calyp. *Qui habet clauem Dauid*, id est, qui habet  
summam potestatem in domo Dauid, id est, in  
Ecclesia. Strictè verò accipiuntur *Clauus*, pro po-

testate remittendi & retinendi peccata, quibus  
clauditur regnum cœlorum, quæ potestas Apo-  
stolis collata est Ioannis 20. Vnde à Doctoribus  
hæc definitio dari solet: *Clauus est potestas ligandi  
atque soluendi, qua Ecclesiasticus Iudex dignos recipere,  
& indignos à regno excludere debet.* Quare, etsi in  
veteri Testamento fuerit aliquo modo potestas  
Clauium, vt patet ex loco Isaia citato, tamè pro-  
priè & strictè loquendo soli Sacerdotes Noui  
Testamenti potestatem Clauium habent; quia so-  
li impedimenta regni cœlestis possunt tollere.

Clauus Ec-  
clesiasticus

Porrò actus huius potestatis sunt, *præcipere, ve-  
tare, dispensare, absoluerè, punire*: de quibus gene-  
ratim dictum est in Tractatu de Legibus, & ex  
parte supra. Solùm superest vt hîc in particulari  
dicamus de pœnis Ecclesiasticis, quæ sunt *Excom-  
municatio, Suspendio, Interdictum, Irregularitas.*

Eius actus

DE